

Lektor i mlt. Adjunkti ilinniarnermi pædagogikkimilu ph.d.-tut naammassisimasoq.

Ilinniartitsinermik Ilisimatusarfik lektorimik adjunktimilluunniit ilinniartitsinerup pædagogikkillu iluani ilisimatusarsimasumik instituttip ilinniartitsisunngorniarfimmi, masterinngorniarfimmi ilinniaqqiffinnilu allani aammalu universitetspædagogikumimi ilinniartitsinerini ilinniartitseqataasinnaasumik ineriartortitseqataasinnaasumillu pissarsiorpoq.

Atorfinitassatut toqqagaasoq Ilinniartitsinermik Ilisimatusarfiup ilisimatusartoqatigiivnut, Kalaallit Nunaannilu ilinniartitsinermik ilinniartitaanermillu ilisimatusarfimmi Iluliami ilisimatusarfigineqartunut ilaallissaaq tamaanilu ilisimatusarfigineqareersunik ineriartortitseqataassalluni. Naatsorsuutigineqarpoq atorfnitassatut toqqagaasoq misigisat toqqammavigalugit ilisimatusartassasoq nammineerluni ilisimatusaatit suliniuteqarluni aammalu instituttimi ilisimatusartut allat suleqatigalugit taamalu Kalaallit Nunaanni ilinniartitsineri, pædagogikkimi ilinniagaqarnermilu ilisimasaqarfinnik ineriartortitseqataassalluni.

Atorfik inuttalerneqassaaq 1. aggusti 2026 aallarnerfigalugu imaluunniit isumaqatigiissutigineqartoq naapertorlugu.

Ilinniartitsinermik Ilisimatusarfik ilisimatusaatinut ilinniakkanullu assigiinngisitaartunut tunngavissiivoq, 160-it miss. ilinniartoqarluni, 25-nik piffissaq tamakkerlugu sulisoqarluni ph.d.-nngorniuteqartorpaaloqarlunilu. Ilinniartitsinermik Ilisimatusarfik ilinniartitsineri bachelorinngorniarfeqarpoq (ilinniartitsisunngorniarfik), ilinniartitseriaatsimi, kulturit naapinneranni allanngoriartormilum masterinngorniarfeqarpoq ilinniaqqiffissaqarlunilu aammalu meeqqat atuarmi fagini aalajangersimasuni specialpædagogikkimilu pikkorissarfissaqarluni. Ilisimatusarfik tamannattaq ilisimatusarfiup universitetspædagogikumianut akisussaasuvoq.

Ilisimatusarfimmi kalaallisut, danskisut (Skandinaviamiusut) tuluttullu ilinniartitsisoqarsinnaavoq.

Illit pisinnaasassatit

- Universitetimi naleqquttumik ph.d.-nngorniuteqarsimaneq, imaluunniit ilinniartitsinerup pædagogikkillu iluani assingusumik ilinniagaqarsimaneq.
- Ilisimatusarnermi, ilinniartitsineri ingerlatitseqqiinermilu adjunktut lektoritulluunniit piginnaasaqarneq.
- Pitsaassuseq annertussuserlu aallaavigalugu ilisimatusarnermik ilisimasaqarneq misilittagaqarnerlu aammalu suliaqarfinni taakkunani marlunni pikkorissaanissamut piunassuseqarneq.
- Ilinniartitsisunngorniarfinni universitetspædagogikumini unniit tamatigoortumik ilinniartitseriaaseqarluni ilinniartitsinermik misilittagaqarneq iluaqutaassaqaq.
- Tuluttut saqqummersitsinnaaneq, aamma kalaallisut imaluunniit danskisut/Skandinaviamiusut ilinniartitsisinnaaneq.

Suliassatit

Tamatigoortumik pædagogikkimi ilinniartitsinermiluunniit ilisimatusarnerup saniatigut suliassavit pingaarnert ilagissavaat Ilinniartitsinermik Ilisimatusarfimmi ilinniakkani ilinniartitsisarneq. Ilinniartitsinermut atatillugu ilinniartitsisunngorniarfimmi masterinngorniarfimmillu ukkataqartoqarsinnaavoq, tamatumani iluaqutaassaaq tamatigoortumik pædagogikkimi meeqqallu atuarmi fagimut aalajangersimasumut tunngatillugu ilinniartitsisinnaaneq. Aamma universitetspædagogikumimi pisortatut inissisimaffeqartoqalersinnaavoq, tamatumani tamatigoortumik universitetspædagogikumi pillugu ilisimasaqarnissaq pisariaqarpoq. Suliassat makkuusassapput:

- Ilinniartitsisunngorniarfimmi (BA), masterinngorniarfimmi, kandidatinnngorniuteqarluni pikkorissarfiulersussani aamma/imt. universitetspædagogikumimi ilinniartitsisinnaaneq.
- Ilinniartitsinermik Ilisimatusarfimmi ilisimatusaatigalugu suliniutini ingerlanneqartuni peqataaneq aammalu ilisimatusaatigalugu suliniutinik nutaanik Kalaallit Nunaannut naleqquttunik ineriartortitsineq ingerlatsinerlu ilisimatusarfiup avataaniit aningaasaliiffineqartunik.
- Aningaasaateqarteqarfinnut qinnuteqataasarneq nunanilu tamalaani suleqatigiiffiusunut

peqataasarneq.

- Bachelorinngornianik, kandidatinnngornianik, lektorinillu ph.d.-nngorniuteqartunik siunnersuisarneq soraarummeersitsisarnerlu.
- Ilinniartitsinermik Ilisimatusarfimmi suleqatitit suleqatigalugit ilinniakkanik ineriartortitsineruneq.
- Ilisimatusarnermi paasisanik saqqummiussineq atuagassianut suliaqarfimmik paasisimasalinnut aamma Kalaallit Nunaanni tusagassiuutinut ilisimatusarnermi nalinginnaanerusunut tunngasunut aammalu politikkinut tunngasunut.
- Ilisimasanik inuiaqatigiinnut avitseqateqarneq oqalliseqataanerlu.
- Suliamut atatillugu naliliisarneq.
- Allaffissornikkut suleqatinullu atatillugu suleqataaneq

Siunnersuineramik, ilinniartitsinermik modulinillu ataqatigiissaarinermik misilittagaqarneq pingaarnertinneqarumaarpoq, pingaartumik ilinniartitsisunngorniarmik universitetspædagogikkimilluunniit tunngaveqarpat. Taakkua saniatigut Kalaallit Nunaat Issittorlu pillugit ilisimasaqarnissaq piumasaqaataannikkaluarluni naleqqulluinnassaaq.

Ilisimatusarfimmi ilisimatusarnikkut, ilinniartitsinikkut suleqatigiinnikkullu Issittumik ineriartortitseqataasutut imminut isigivugut. Ilisimatusarfik Nuummiiippoq inukitsumiikkaluarluni nunarsuarmioqataaffiusutut misiginarfusartumi. Ilisimatusarfik angivallaanngilaq ulluinnarni iluaqutaasartumik. Avatangiisivot qasukkarsimaarfiupput, immikkoortortaqaarfii akornanni ilisarimasaqatigiittarpugut ilinniartortavullu ilisarimalluartaarlugit. Tamakku tunngavigalugit qinnuteqartoq allaffissornikkut suliasanik suliaqarnissamut piumassuseqartariaqarpoq.

Ilisimatusarfik inuiaqatigiinni assigiinngiaassutsimik ersersitseqataarusuppoq piukkunaateqarluartullu inuiaassuseq, inuttut tunuliaqutaq upperisarluunniit apequtaatinnagit qinnuteqaasiornissaannik kajumissaarilluni.

Adjunktut lektoritulluunniit atorfinitsitsisoqassaaq, piginnaasat misilittakkallu aallaavigalugit; takuuk ilanngussaq 8.

Qinnuteqaat

Atuarfimmi tunngaviumi ilinniartitseriaatsinik sammisaqarfiusumi pædagogikkimi lektorit adjunktutulluunniit atorfinitsitaanissamik qinnuteqaat qinnuteqaaterpiaap saniatigut amerlanerpaamik marlunnik qupperneqassaaq danskisut/Skandinaviamusut allataassallutik ukuninngalu imaqaassallutik:

Ilanngussaq 1: Curriculum Vitae.

Ilanngussaq 2: Soraarummeernertut uppersaatiit.

Ilanngussaq 3: Inuit oqaaseqaateqarsinnaasut pingasut qanoq attavigineqarsinnaanerannik paasisutissat.

Ilanngussaq 4: Saqqummersitat tamarmik allattorsimaffiat normulersugaq. Suliat ilanngullugit nassiussat (naleqq. Ilanngussaq 8) saqqummersitanik allattorsimaffimmi *-mik nalunaanutserneqassapput atuakkioqataaffinullu nalunaartinut kakkianneqassallutik.

Ilanngussaq 5: Ilisimatusarfigisimasat naatumik allaaserinerat siunissamilu ilisimatusaatigalugu suliniutigisinnaasanik pingaarnersugaq. Ilisimatusarnermi suliaqaraanni taakku tuluttut allaaserineqassapput.

Ilanngussaq 6: Teaching portfolio ilinniartitsinermi piginnaasanut universitetspædagogikumimullu assingusumulluunniit uppersaatiit, aamma maannamut siunissamilu ilinniartitsisutut sulianik eqqarsaatersuutit ilanngunneqarsinnaapput.

Ilanngussaq 7: Ilisimatusarfigisanik saqqummiussanut uppersaatiit.

Ilanngussaq 8: Saqqummersitat kapitalillit allaaserisatulluunniit takitigisut tallimat angullugit.

Lektorit atorfinitsitaanissamik qinnuteqartup saqqummersitani amerlanerpaamik tallimat nalilivigineqarnissamut immikkut attuumassuteqartut toqqarsinnaavai, adjunktutullu atorfinitsitaanissamik qinnuteqartup allaaserisat amerlanerpaamik pingasut toqqarsinnaavai.

Attavigisassat/ paasisutissat:

Atorfik pillugu sukumiinerusunik paasisaqarusukkuut, tikilluaqquneqarputit Lektor, ph.d. Lars Demant-Poort oqarasuaat: +299 347402 attavigissallugu imaluunniit Institutimi pisortaq Britta Lohmann oqarasuaat: +299 347392 attavigissallugu. Ilisimatusarfik pillugu paasisaqarnerorusukkuut uani paasisaqarnerusinnaavutit www.uni.gl

Naliliisarneq atorfinitsitsisarnerlu

Qinnuteqartut nalilernerqarnerat malittarisassat atuuttut naapertorlugit naliliisartunit ilisimasalinnit ingerlanneqartarpoq. Qinnuteqartut piffissap qinnuteqarfiusup naareernerani naliliisartut inuttalersornerinik ilisimatinneqassapput. Qinnuteqaatit takkussuuttut naliliisartoqatigiinnit

misissorneqassapput, tamanna pereerpat taakkua Instituttimi aqutsisumut innersuusiussallutik taassumalu kingorna oqaloqatigineqartussat qaaquneqarumaarput.

Adjunktitut atorfeqartitaaneq nalinginnaasumik ukiunik 4-nik sivilisussuseqarpoq, tamatumalu kingorna suli ukiut marluk angullugit sivitsorneqarsinnaalluni. Tamatuma kingorna lektorip naliliinera tungavagalugu lektoritut atorfitut aalajangersimasunngorlugu atorfinitsinneqarsinnaavoq. Kalaallillu Nunaanni najugaqarnissaq piumasaqaataavoq

Lektoritut atorfinitsitaaneq pisinnaavoq atorfininnissaq sioqqullugu naliliilluartoqarpat imaluunniit qinnuteqartoq piffimmi allami sammisami lektorimit nalilerneqarsimappat. Kalaallillu Nunaanni najugaqarnissaq piumasaqaataavoq

Qaammatini pingasuni misiliilluni atorfeqarneq

Uani atorfimmi qaammatini pingasuni misiliilluni atorfinitsitsisoqassaaq.

Ilisimatusarfik pillugu

Ilisimatusarfik 1987-imi pilersinneqarpoq. Maannakuugallartoq ilinniarneqarsinnaasut assigiinngitsut 13-upput, taamatuttaaq Ilisimatusarfiup neqeroorutigai diplom-imut masterimullu saniatigut ilinniarnert. Ilisimatusarfik issittumi universitetiuvoq nunarsuup ilaani pilertortumik ineriartorfiusumi nutaanik ilisimasaqalerfiusoq nutaaliorfiusorlu. Siulersuisut tassaapput Ilisimatusarfiup qullersai. Ulluinnarni aqutsineq rektorimit direktørimillu ingerlanneqarpoq. Instituttit sisamaasut Instituttini Siunnersuisoqatigiinnit siunnersorneqartumik siulersorneqarput.

Ilisimatusarfik sisamanik instituteqarpoq:

- *Ilinniartitsinermik Ilisimatusarfik*
- *Inuiaqatigiilerinermik, Aningaasaqarnermik Tusagassiornermillu Ilisimatusarfik*
- *Kulturimik, Oqaatsinik Oqaluttuarisaanermillu Ilisimatusarfik*
- *Peqqissaanermik Pinngortitamillu Ilisimatusarfik*

Allaffissornikkut aqutsisoqatigiiffik pillugu

Allaffissornikkut aqutsisoqatigiiffiup ilisimatusarfik tamakkerlugu sullitaraa. Ilisimatusarfiup direktørianit aqunneqarpoq. Allaffissornikkut aqutsisoqatigiiffik Ilimmarfimmi immikkoortortaqaqpoq. Immikkoortortat ilinniartitsivinni ingerlatsiviusunik qanimut suleqateqartarput soorlu namminneq akunnerminni aamma suleqatigiittartut. Allaffissornikkut aqutsisoqatigiiffimmi suliassat tassaapput: ilinniartut pillugit-, sulisut pillugit allaffissornikkut aqutsineq, Siulersuisunik, Akademisk Rådimit kiisalu ilimmarfimmi sulisunik ilinniartunillu sullissineq. Allaffissornikkut aqutsisoqatigiiffiup Ilimmarfiup illutaanik sanaartornermik nakkutiginninneq aamma ingerlataraa.

Aningaasarsiatigut atorfinitsitaanermilu atugassarititaasut

Akissarsiat atorfininnermilu atugassarititaasut, tassunga ilanngullugit atorfinitsitaanermi soraarnermilu angalanissamat akiliunneqarnissamat pisattallu nassiuunneqarnerannut Kalaallit Nunaanni Namminersorlutik Oqartussat kattuffiullu isumaqatiginniansinnaatitaasup attuumassuteqarfignisap akornanni isumaqatigiissutaasut atorfininnerup nalaani atuuttut naapertorlugit ingerlanneqassapput.

Qinnuteqartoq uppersaatalinnik piginnaasalik immikkut siunnersortitut, siunnersortit pisortaatut siunnersortaanertulluunniit isumaqatigiissutit naapertorlugit atorfinitsinneqarsinnaasarpoq.

Najugaq

Atorfimmut atatillugu sulisunut inissiamik innersuussisoqarsinnaanngilaq. Qinnuteqartoq Namminersorlutik Oqartussani atorfeqarnermini sulisutut ineqartinneqareersimaguni sulisutut ineqarsinnaatitaanini tigungmiinnarsinnaavaa. Atorfimmut atatillugu ini atorfeqarnermut tungavoq, taamaallilluni atorfeqarnerup unitsinnerani qimanneqassalluni.

Qinnuteqaatit, CV, ilinniarsimasanut pikkorissaatigisimasanullu uppersaatatit kiisalu paasissutissat allat pisariaqarsinnaasut "qinnuteqaat nassiuguk" toorlugu nassiutikkat.

E-mail-ikkut qinnuteqaatinik tigusineq ajorpugut.